



# Halo i kam long INDONESIA!

Lanem abaot ol pikinini blong Papa long Heven long evri ples raon long wol.



Indonesia i wan kantri long Saotis Esia. !Hem i gat ova long 17,000 aelan! Samples 280 milian pipol oli laef longwe.



## WAN JOS WE I STAP KAM ANTAP

Presiden Russell M. Nelson i bin visitim ol memba long kapitol siti, Jakarta, long 2019. Mo long Epril 2023 jeneral konfrens, hem i anaonsem se bae oli !bildim wan tempol long ples ia!

## OL PLES BLONG WOSIPIM



Indonesia i gat bigfala ples blong prea blong Ol Muslim we i bitim ol nara ples long Saotis Esia. Mo tu, hem i gat bigfala tempol blong Buda we i bitim ol nara ples raon long wol.

## ?YU SAVE TOKTOK LONG LANWIS BLONG MI?

Selamat pagi!

Halo!

Rahajeng semeng!



Lanwis Indonesia i ofisol lanwis blong olgeta. !Be i gat ova long 700 lanwis we oli toktok long olgeta long Indonesia! Moto blong kantri blong olgeta i minim "I gat plante, be yet oli wan" blong soem se oli wok wan.

## HOM BLONG OL DRAKON

Ol Komodo drakon oli ol bigfala lised we i bitim ol narawan long wol. !Oli save gro longfala kasem 3 mita!



OL PIKIA I KAM LONG CONNER GILLETTE

AKTIVITI

## BATIK PENTING

Batik i wan kaen art we oli ademap long kaliko. !Yu save mekem wan samting olsem ia tu!

Mekem wan disaen long pepa, yusum wota glu. Taem we i drae, peint bitwin ol glu laen wetem ol wota kala.




## NASI UDUK

RESIPI

1. Rinsim **2 kap waet raes**. Lego raes i stap long wota blong wan aoa, afta kapsaetemaot wota ia long hem.
2. Long wan narafala sospen putum **2 kap blong kokonas krim**. Afta ademap **2 ful frut galik, 1 smol stik sinamon**, mo **1 tispun sol**. Miksim kasem i stat blong boel.
3. Putum raes i go long sos ia. Kavremap mo kukum, long long faea blong 15-20 minit kasem raes i tan.
4. Karemaot long faea mo no karemaot lid blong sospen kasem 10 minit i pas. Kasem i go long plet mo putum sam eg we oli boelem, sam anian we oli fraenem o sam narafala salad long saed.

!Mekem sua blong askem help long wan adalt!



## GUD NAET SILIP

Yumi nidim blong silip blong gat paa blong ronron, pleplei mo wok. Traem blong silip long wan semmak taem, evri naet. Mekem wan samting we bae i helpem yu blong rilaks bifo yu go silip.

OL HELTI TINGTING



## !WAN BLU VOLKENO!

Indonesia i gat moa volkeno we oli stap laef bitim eni narafala kantri. Kawah Ijen volkeno i gat blu faea we man i save luk long naet.